

## 秋叶小诗

1.  
多病卧江干，过尽春花秋叶。又见横斜疏影，弄阶前明月。呼儿取酒据胡床，尚喜知时节。宜与老夫情厚，有鬓边残雪。——向子諲《好事近·多病卧江干》
2.  
银缸夜永影长孤。香草续残炉。倚屏脉脉无语，粉泪不成珠。双粲枕，百娇壶。忆当初。君恩莫似，秋叶无情，欲向人疏。——谢绛《诉衷情·银缸夜永影长孤》
3.  
轻翦楚台云，玉影半分秋月。一饷凄凉无语，对残花么蝶。碧天愁雁不成书，郎意似秋叶。闲展鸳绡残谱，卷泪花双叠。——周密《好事近·轻翦楚台云》
4.  
往事挽不回，新愁扒不去。秋叶既辞柯，滋荣春复吐。榆年逝如流，颜色宁反古。展书圣贤对，援琴儿女语。抚时耿予怀，聊以释百虑。余生欲何为，将随草木腐。——卫宗武《秋怀》
5.  
秋叶飘零，秋虫夜鸣。色不是色，声不是声。达磨九年会不得，急携只履问归程。——释绍昙《偈颂一百零二首》
6.  
荆扉带郊郭，稼穡满东菑。倚杖寒山暮，鸣梭秋叶时。回云覆阴谷，返景照霜梨。澹泊真吾事，清风别自兹。——李颀《晚归东园》

7.  
相见两无言，愁恨又还千叠。别有恼人深处，在懵腾双睫。七弦虽妙不须弹，惟愿醉香颊。只恐近来情绪，似风前秋叶。——李之仪《好事近·相见两无言》

8.  
解落三秋叶，能开二月花。过江千尺浪，入竹万竿斜。——李峤《风》

9.  
懽犹程孔交，来匪张范约。岂但授馆粢，雅与同丘壑。我圃三径荒，几年负杯酌。秋叶与春花，今幸复还昨。园丁报新阳，早梅红破萼。——卫宗武《再和易后韵为前韵六首》

10.  
迎客西来送客行。堆堆历历短长亭。殢人残酒不能醒。烟染暮山浮紫翠，霜凋秋叶复丹青。凭谁图写入银屏。——石孝友《浣溪沙》

11.  
相君家，宾宴集。秋叶晓霜红湿。帘额动，水纹浮。缣花相对流。薄霞衣，酣酒面。重抱琵琶轻按。回画拨，抹么弦。一声飞露蝉。——张先《更漏子·相君家》

12.  
蚁酒浮明月，鲸波泛落星。春花秋叶几飘零。只有庐山君眼、向人青。明日非今日，长亭更短亭。不辞一饮尽双瓶。争奈秋风江口、酒初醒。——石孝友《南歌子·蚁酒浮明月》

13.  
少日春风满眼，而今秋叶辞柯。便好消磨心下事，莫忆寻常醉后歌。可怜白发多。明日扶头颠倒，倩谁伴舞婆娑。我定思君拚瘦损，君不思兮可奈何。天寒将息呵。——辛弃疾《破阵子·少日春风满眼》

14.  
卷地朔风凜凜，漫天瑞雪霏霏。园林万不变枯枝。因甚松篁独翠。只为

春花竞发，却教秋叶争飞。若无荣盛便无衰。悟此方名达理。——张抡  
《西江月·卷地朔风凛凛》

15.

簾纹衫色娇黄浅。钗头秋叶玲珑翦。轻怯瘦腰身。纱窗病起人。相思魂  
欲绝。莫话新秋别。何处断离肠。西风昨夜凉。——张先《菩萨蛮·簾  
纹衫色娇黄浅》

16.

客愁枫叶秋江隔。隔江秋叶枫愁客。行远望高城，城高望远行。故人新  
恨苦。苦恨新人故。斜日晚啼鸦。鸦啼晚日斜。——王庭筠《菩萨蛮·  
客愁枫叶秋江隔》

17.

秋风高，秋叶脱。乱走衲僧，天涯海角。——释法薰《偈倾一百三十三  
首》

本文链接：<https://duanjuziku.com/duanjuzi/utsw00bugy.html>